

Fasnachtsgesellschaft Alli Stainlemer 1912



Gehen Sie weiter – es gibt hier nichts zu sehen!

So oder ähnlich könnt dr Stainlemer ab dr Nummere 208 drhärkho.

Das als kleine Reminder, dass ich immer no e Nochfolger als Redaggder such, wo ab dr Nummere 208 d Verantwortig für „Dr Stainlemer“ übernimmt. Ich mein s imfall ärnscht, Herre!


Nochdäm die letscht Nummere e bitz „slim“ drhärkho isch, hänn mir in dr agduelle Usgoob e Huffe zum aluege (Bildeli, dr miend au gar nit so vvyll läse...), schliesslig isch doch wieder e kli öbbis gange syt em Stainlemer 205.

Denn dien mir uns doch nit lang mit belanglosem Gelaber ufhalte, sondern starte grad mit em Stainlemer 206 (my zweitletschi Usgoob imfall!!!)

Viel Vergniege bim läse,
Eure Redaggder.

Dr Stammverein isch das Joor am Hebrschtbummel in Bambärg gsi. In Bambärg git s e Huffe Kultur, unter anderem au e usprägddi Bier-Kultur. Das gefällt im durchschnittlich bierorientierte Stainlemer notürlig primälig und dorum het sich dr Preesi höggscht persönlich für d Organisation verantwortlich zeigt.

Träffpunggt isch notürlig am Badische Bahnhof gsi. Obwohl d Chance uf e Lotto-6er grösser isch, wie e pünggtlichi DB-Verbindig, het s unser Reisegrüppli doch emoll no gschafft, am Zielort aazkho. Bösi Zunge behaupte, «me» haig eifach e Bier mehr gnoh uf dr längere Zugfahrt.




Läuft bei mir!



Staine Hebu-Reise im Jahre 2017: dr Chef het e neuu Winterjacke (dr Chef isch dä rächts...)

...und «me» reist nüm mit em Rucksack, sondern mit em Rollkofferli! Passt scho!





Notürlich het me au s Städtli welle besichtige. E Fiehrig im Dom und dur d Altstadt sinn dorum am Frytig uf em Programm gstande.

Dr Momänt, wo sich z Bambärg ummespricht, dass d Stainlemer e Kulturtrip mache...



Dr Momänt, wo d Stainlemer merge, dass sie WIRKLIG e Kulturtrip mache...



S Nachtässe het me im Ambräsianum zue sich gnoh. Vorhär het s aber en Apèro geh, wo öbbe eso könn't usgseh ha:



...oder so:



...oder so:



Gwüssi hänn in Bambärg ihre Doppelgänger droffe:



Gwüssi hänn in Bambärg Lüt droffe, wo dr gliich Coiffeur hänn:



Es het denn schiinz au emoll öbbis zum ässe geh. S folgende Foteli bewiist;

- a.) jäwoll, es het öbbis zum „ässe“ geh und
- b.) schiinbar isch me noch em Kulturagebot und em e riichhaltige Apéro nüm ganz eso aaspruchsvoll gsi...



Am Samschtig isch me denn noch Forchheim, wo me nocheme kurze Fuessmarsch im Kellerwald akho isch. Dört gits 24 Bierkäller. Das muess me sich emoll uf dr Zunge zergoh loo: 24 BIERKÄLLER!!!! Do hät sogar dr U.P. uss R. bei B. e Freud kha!



Hehehe.
Läuft bei mir.



Dr Momänt, wo
du merggsch,
dass es bald
wieder e Bier git!

Notürlich het me bimene Bier gmietlich Zyt zum plaudere und Sache uf e Punggt z bringe.

Es git keini umkherte Bataflafla!

WTF
...??



Dr Momänt, wo dr Chef em Räscht verzellt, ass die Dütschi Bahn planmässig fahre soll am Sunntig...





Dr Momänt, wo dr Maa gseit
het, dass die Fässer nit für d
Stainlemer sinn...



Am Sunntig isch me denn no in e Theater der speziellen Art. Nit Hopfe und Malz, sondern Liecht und Schatte isch dr Rohstoff vo däm Theater. Das het sich schiinz au in dr Aazahl Getränk bemerggbar gmacht, es het schiinz, und das Moll glaub wirklig s erscht Moll syt 1912 ärscht gmäint, z wenig Bier kha. gäblich dr Hammer gsi. glaub sogar alli wach gsi, spiilkunscht präsentiert



Drfür isch d Uffiehrig aa-Quasi e Erlüchtig. Es sinn wo dr Norbert sy Schatte-het.



Unter em Strich isch es glaub e super Hebu gsi, do sinn alli daccord, wo derbii gsi sinn (beschdde Hebu EVER ;-). Dr Dangg goht an Roman, wo dä ganzi Plausch organisiert het.





WALO ISLER AG

Sanitäre Anlagen und Spenglerei

4057 Basel, Claramattweg 9
4125 Riehen, Rauracherstr. 33
Telefon 061 691 11 66
www.walo-isler.ch
info@walo-isler.ch

Power Electronics us dr Staine

z.B. für Windkraftanlagen, Prüfeinrichtungen und
Spannungsversorungen

Vivatec GmbH, Steinenbachgässlein 25, 4051 Basel

www.vivatex.ch Geschäftsleitung: Ralph Niederer

The Power Electronics & Automation Company

**Metallbau, Stahlbau, Briefkästen,
Bauschlosserei, Glasbauten,
Einbruchschutz und Reparaturen.**

Fünfschilling AG

Hauptstrasse 20 | 4102 Binningen | 061 426 91 41 | www.fuenfschilling.ch



gottlieb
FACILITY SERVICES

Gottlieb AG | Auf dem Wolf 11 | CH-4052 Basel
Telefon 061 689 91 91 | Telefax 061 689 91 92
www.gottlieb.ch | info@gottlieb.ch
Standorte in BS, BL, SO und AG

Staine Dart Open 2017 – E Joorgang voller Neuigkeit!**E neue Dailnäamerrekord**

17 Lüt hänn sich aagmolde. Stänggerikaibe wurde kritisiere, as das gar kei neue Rekord isch, will vo däne 17 tatsächlich nur 16 Stainlemer sinn. Dasch au richtig. Aber d Nummere 17 het mini persönligi Wildcard gha und y has toll gfunde, as SIE! drby gsi isch: Fränzi Humair (wo uns Tamboure) inschtruiert. Näb däm „Franz uss Schdeine bi Vegas“ sinn wyteri 5 Stügg zum erschte (und hoffentlig nid letschte) Moll drby gsi: Marc „Steel Panther“ Helfenstein, Thomas „Nellie The Elephant“ Lusser, Beat „Duume“ Ernst, Ernst „The Wild Rover“ Winteregg und René „The Hammer“ Müller. Uffmergsame Läser isch e wyteri Neuheit ufffalle. Au Altgardische sinn das Joor drby gsi. Die Staine-Dart-Gmeind waggst und waggst und waggst.

**„Onehundredandeighty!“ Und das grad zweimoll!!!**

Bereits in de letschte beide Joor isch an däm Maximum kratzt worde, ganz glänggt hets aber nie. Bis jetzt. In dr erschte Vorrundi und im Final hets richtig „tschederet“. Bi beidne 180er bin y quasi in dr erschte Reihe ghoggt. Dr erscht han y sälber ynezirgget, dr zweit im Final vom René „The Hammer“ Müller han y als Caller könne lutthals useschreie. Und do gosch ab wien e Zäpfli. Neggscht Joor muess y glaub so Plakärtli drugge, wo denn s Publikum ka uffehbee.



...vom PSDC-
Preesi persöönlig,
wo näbscht därer
Glanzläischtig au
no grad e super
Turnier organisiert
het!! #Messing4x



E neue Siiger

Im Final sinn sich dr Thomas „The Incomparable“ Schmid und dr René „The Hammer“ Müller gegenüber gstande. Als Caller han y dr ganz Match, wo über die maximali Lengi vo 5 Legs gangen isch, könne mitverfolge. S isch gewaltig gsi zum Luege, was die beide Kärli am Halbzwölfi zobe no anedätscht hänn. Schlussändlig het dr René butzt. Wieso? Ganz eifach, will er s ka. Gegen öppe 40 Joor Darterfaarig het dr Thomi könne wärfe, was er het welle (und das isch rächt guet gsi). Glänggt hets denn halt nid. Als Finalischt isch me immer kli mehr enttüscht als anderi, wo vorhär usefuule. My Komplimänt hesch trotzdem. Du hesch dy Teil zum grosse Final bydreit.

Dr Staine-Dart-Siiger-Besiiger 2017

Em Thomas „Nellie The Elephant“ Lusser isch s Kunschtstügg glunge, däm besagte René e glaine Dolgge ins Reinheft z setze. Är het sy Vorrundepartie gwunne und isch somit quasi St. Pauli vo dr Staine. Via Crowdfund könne dr em d Finanzierig vom en eigene Trikot mit däm Titel sponsere.

Als Organisator lueg y mit Freud uff das glungene Turnier zrugg und freu my bereits uf die vierti Ufflaag im 2018. Dr Bsuech vo dr Alte Garde het dä Oben uffgwärtet, in spiilerischer wie au gsellschaftlicher Sicht. Speziell dangge möcht y dr musikalische Leitig, wo grosszügig uff e zweite Teil vo dr lebig verzichtet het, as mir kli mehr hänn könne spiile. Nid sälbverständlich und dorum: Merci villmoll!

Dr PSDC-Presidänt



P.S.: die näggschte Staine-Dart-Open wärde vorussichtlich am 9. Novämber 2018 über d Büüni go.



EBM GRÜN

Für noch mehr
Umweltbewusstsein und
100% Strom aus der Region:
EBM GRÜN ist der Strom der
Zukunft und besteht zu
80% aus Kleinwasserkraft
und zu 20% aus Sonne.

Bestellen Sie unter:
www.ebm.ch



VERTRAUT MIT ENERGIE. SEIT 1897

balfina
treuhand vermögen

Ihre Experten für Treuhand-Dienstleistungen und Vermögensverwaltung

- Buchführung und Abschlussberatung
- Steuerberatung
- Saläradministration
- Vermögensverwaltung
- Wirtschaftsprüfung

Balfina AG

Lange Gasse 90, 4052 Basel
Tel. 061/205 49 41



Roger Leisinger
Partner

*Party und Grillservice
Hausgemachte Wurstwaren*

*Dorfplatz 8
4123 Allschwil*

*Tel. 061 481 05 30
Fax 061 481 05 35*



Plätzli frei!

***Hesch Luscht, e Inserat im
Stainlemer z platziere?***

***Mäld Di bim Felix Stierli oder
bim Redagder.***



Dr Jung Stainlemer

Alli Junge, Interessierti, Fans



Dr Jung Stainlemer

«d Zytig in dr Zytig»



Infos und News über die
Junge vo de Alte Stainlemer

Mänggmoll... im aggduelle
«dr Stainlemer»



Dr Jung Stainlemer hat das Profilbild geändert





Dr Jung Stainlemer

Alli Junge, Interessiert, Fans

Internes 2018 der Jungen Stainlemer

Liebe Stainlemer!

Am Samstag, 6. Januar 2018, findet das "interne Preistrommeln und -pfeifen" 2018 der Jungen Stainlemer neu im **Pfarreisaal Allerheiligen (Neubadstrasse 97, Basel)** statt.

Besammling um 15.00 Uhr, Beginn um 15.30 Uhr.

Neben dem eigentlichen Preistrommeln und -pfeifen findet wieder ein sogenannter "Kür-Teil" statt und zusätzlich nutzen wir diese Gelegenheit auch gleich für die Blaggedden-Aussgabe.

An dieser Kür können und sollen alle Stainlemer, egal ob Binggis, Jung-Gardist, Stammvereinlemer oder Alt-Gardist, aber auch Angehörige mitwirken. Mit Trommeln und Pfeifen braucht die Darbietung nichts zu tun zu haben. Jeder Beitrag, seien es Spiele, Sketche, musikalische und andere Vorträge sind willkommen. Dabei spielt es auch keine Rolle, ob die Präsentation von einer Einzelmaske oder von einer Gruppe dargeboten wird. Im Rahmen des machbaren sind der Phantasie keine Grenzen gesetzt.

Nun ist also Eure Kreativität gefragt. Überlegt Euch einzeln oder in Gruppen irgendwelche Darbietungen. Falls Ihr mit der Umsetzung Eurer Ideen Schwierigkeiten haben solltet, so könnt Ihr Euch an die Mitglieder des Vorstandes der Jungen wenden. Eure Vorschläge und Ideen schickt Ihr bitte bis spätestens 5. Januar 2018 an Pascal Mutschler, Baumgartenweg 15, 4123 Allschwil oder unter pascal.mutschler@gmail.com

Mit hänzliche Staine-Griess
Der Vorstand der Jungen Stainlemer



Dr Jung Stainlemer

Alli Junge, Interessiert, Fans



Motto: Jeder Stainlemer beteiligt sich an der Kür



Mein/Unser Vorschlag zum Internen 2018

Ich/Wir (Namen und Vornamen angeben)

haben den folgenden Vorschlag (Idee beschreiben /Zeitbedarf angeben):

Dieser Talon ist bis spätestens **5. Januar 2018** zu schicken an:

Pascal Mutschler, Baumgartenweg 15, 4123 Allschwil
oder pascal.mutschler@gmail.com

Herbstbummel 2017 – Motto: Indianer



Herbstbummel 2017 – Motto: Indianer



Herbstbummel 2017 – Motto: Indianer





Dr Jung Stainlemer

Alli Junge, Interessierti, Fans



#AllesGeiliSieche



D Tamboure vo de Junge Stainlemer sin am 23. und 24. Septämber 2017 am Jungtambouren- und Pfyfferfest in Länzburg gsi und hänn dort im Sektionswettbewerb dr saugueti 9. Rang erdrummet!!!! Das isch sehr bermerkenswert und die ganz Clique gratuliert im Andi Hunzinger und syne Buebe für das guete Resultat! Dr Andi het s gschafft, die Jungs z motiviere wie scho lang nüm! Wytter so - genau eso Nachwuxx bruche mir!



**HER
GER**

HERGER IMMOBILIENTREUHAND AG
PARKSTRASSE 36, 4102 BINNINGEN
T: 061 421 24 24, F: 061 421 12 18
WWW.HERGER-IMMOBILIEN.CH

**HER
GER**

ATELIER BAJASS

AG

**Fasnachtsatelier fir alles
was fir d'Fasnacht bruucht wird.**

Heidi und Hans Ledermann, Bläsiring 107,
4057 Basel, Tel. 061/692 14 14, Fax 061/692 18 20
Postadresse: Postfach, 4007 Basel



Larve
Goschdym
Stoff
Naije
Modeschmugg
Dekoration

Giggernillis
Zoggeli
Gschänggli
Scherzartiggel
Tombola
und vyl vyl meh



Kumm go luege.

Effnigszyte: Di-Fr 15.00-18.00, Sa 14.00-16.30



061 444 44 44

TAXIPHON



Ihr Taxi für alle Fälle

Liebi Stainlemer

Die Fasnacht rückt immer näher und damit auch die Plakettenausgabe.

Diese findet am Samstag 6. Januar 2018 statt.

Beziehen kann man die Plaketten wie folgt:

- vom 10:00 bis 11:00 Uhr im Stainekeller
- vom 17:30 bis 18:30 Uhr am Intärne von den Jungen

Bestellungen werden ausschliesslich per Mail entgegengenommen

florian.keller@breitband.ch

Bestellungen die in der laufenden Woche bis am Mittwochabend bei mir eintreffen, werden am Freitag abholbereit sein.

Bezüge für Bijou und Gold ab 4 Stück, müssen immer vorbestellt werden.

Die Preise werden nach heutigem Wissensstand unverändert bleiben.

Kupfer 9 Franken
Silber 18 Franken
Gold 45 Franken
Bijou 100 Franken

Mit beste Staine Griess

Flo

Saitefäll mol anderscht



Drumme mit Klapperschlangeschwänz us em Norde vo Mexiko.
Gfunde im Anthropologische Museum in Mexico-City.

Dr Uslandkoreschpondänt

Rapé - Ursprünge des Schnupftabaks

Volle Nasen, tränende Augen, braune Taschentücher. Ein sehr gewöhnliches Bild bei den Alten Stainlemern. Schnupftabak ist die beliebteste Beidrogen zum beliebten goldigen Gift. Doch woher kommt dieses merkwürdige braune Pulver, das wir uns so gerne bis zum Abwinken in die Nasen drücken?

Bereits im 16. Jahrhundert war die Französische Königin Katharina von Medici für ihren Schnupftabakkonsum bekannt. Durch sie wurde der Konsum hoffähig und breitete sich schnell in Europa aus. Doch existierte Schnupftabak bevor 1561 die ersten Tabakpflanzen nach Europa kamen?

Die Kultivierung von Tabak wird auf mindestens 5'000 Jahre geschätzt. Die ersten Tabakkulturen wurden von den Inkas im Amazonasgebiet betrieben. Statt den Tabak zu rauchen haben sie in rituell geräuchert und als Pulver in die Nase geblasen. Der Name dieses Urschnupfs lautet „Rapé“.

Für Schamanen im Urwald steht fest, dass Tabak die machtvollste Pflanze von allen ist. Engelstropfen, Stechäpfel und sogar Ayahuasca können nicht mithalten.

Rapé ist somit keinesfalls ein Genussprodukt, wie sein europäischer Nachfahre. Rapé gehört in die unendlich grosse Kiste der Amazonasmedizin. Ihm wird grosser Respekt entgegen gebracht und er wird mit viel Bewusstsein angewendet. Rapé hilft bei körperlichen, emotionalen und spirituellen Krankheiten, löst Verwirrungen und Negativität.

Bei einer Rapé-Zeremonie sind zwei Menschen beteiligt, ein Geber und ein Empfänger. Es wird eine Intention für den darauffolgenden Konsum gesetzt. Mit Hilfe eines sogenannten Tepis bläst der Geber dem Empfänger die beiden Portionen in die Nasenlöcher, beginnend mit dem linken. Der Empfänger fühlt sich als würde er von einer gewaltigen Kraft durchgeschüttelt um danach in einen Zustand von absoluter innerer Ruhe zu kommen.

Rapé besteht jedoch nicht ausschliesslich aus Tabak. Je nach Herkunft befinden sich andere Pflanzen darin. Nur in den allerseltensten Fällen sind diese psychoaktiv.

Nun wissen wir also, wie man es ursprünglich gemacht hat. Dies wird nichts an unserem Umgang mit Schnupftabak ändern, aber es ist doch schön klug zu sein.

Dr Uslandkoreschpondänt



Keep Calm! Party Hard!



23. Dezämber 2017



Ab 19.30h, Restaurant «zur Mägd»



Für Stamm und Alti Garde



EIDGENÖSSISCHES TAMBOUREN- UND PFEIFERFEST

2018 - BULLE

28. JUNI - 1. JULI 2018

Dr Stamm goot im 2018 wieder emoll an e ETPF! Dasmoll fiehrt yss d Reis no Bulle, wo mr in de Sektioone «Gmischt» und «Tamboure T2» Vollgas geh möchte!

Dermit mr dört möglichscht e grosse Huffe Stainlemer sinn, bitte mir um Aamäldig via s.m.a.r.t. Es isch ganz eifach und goht eso:

GESCHICHTE
KONTAKT
LOGIN

MEMBER HOME

NEWS BLOG

MITGLIEDER

TERMINE

GALERIEN

DOWNLOADS

UMFRAGEN

UMFRAGEN

Datum	Titel	Start Datum	Ablauf Datum	New
● 06.05.2017	Top Ten Marsch	30.06.2017 15:00	07.05.2017 15:00	🗨️ 📊 🗺️ 📄 ✖️
● 01.11.2017	Källerabstüg 2	01.11.2017 08:00	25.11.2017 12:00	🗨️ 📊 🗺️ 📄 ✖️
● 05.09.2017	ETPF Bulle 2018	13.11.2017 14:00	31.12.2017 23:00	🗨️ 📊 🗺️ 📄 ✖️

Login in intärne Bereich – dört uf UMFRAGEN – dört uf e Link ETPF Bulle 2018 klicke – dört alli Frooge beantworte – und scho bisch drbii!

Alli wytttere Infos folge bald vom Pfyffer- und Tambourechef (a.i). Wenn Dir Frooge hänn (wenn sinn d Yebige, wo sinn d Yebige, ka ich au nur 1 Sektioon mitmache, etc...), wo dir vorhär wänn beantwortet ha, no mäldet euch ebefalls bi däne zwei Beide.

Alli uf Bulle!!!



E furchtloses Team an hochspezialisierte Fachpersoone nimmt sich unsere Kopflatärnli aa. Es wird repariert und neu illuminiert.

Dermit au alli in Gnuss vo dr Erlüchtig kömme, sotte all die koschtbare Stügg in Käller kho.

Alli, wo ihri Kopflatärne deheim hänn, solle die bitte ab sofort in Cliquekäller am Aubärg bringe. Die wo s nit mache, läbe halt wytterhin uf dr dunggle Sytte vom Mond.

Es könnt au sii, dass es no e paar Lüt brucht, wo hälfe könne. Dr Steve wird sich rächtzytig mälde, falls dem so ist.

Herbschtbummel (resp. -hogg) AG vom 7.10.2017

Punggt 08:06:37
sinn myr loosgfaare in
Richtig süd-wescht...



inkl. Blööslhalt

... und sinn doo aane ko:



Empfang durch s Freiburger
Fasnachtskomitee mit em
Richard Herting und zwai vo
syne Kollege by mene Apéro
im Café du Gothard.

Folgendes hämmer dörfe vernee:

in Basel haisst's Fasnacht
in Fryburg: " Bolze


(mir in Basel bolze
höchstens
mit em Auto....)



Denn hämmer gwartet... gwartet ... gwartet ... und nomool gwartet uff waseli was?



Ändlig het me könne yystyge und mer sinn dur d'Stadt gfiert worde...



.....



Gässe hämmer derno im Restaurant Schwyzerhalle

Menue

(frei nach Balgge)

Bunter Salat in Würfel geschnitten gespickt mit Oliven

Pastetli mit Pilzen frisch vom Laden nebenan

In der Pfanne geschmorter Braten vom Ochs mit pochierten Nudeln und Gemüse vom Feld

Crème brûlée mit Minzenblätter bepflanzt

... und nach em Ässe

Umfroog via Froogebooge für e Disertation über d Gwoonhaite und em Verhalte bym Energieverbrauch. Duuregfiert dur dr Soon vomene Organisator uss em Bolzekomitee

Das isch kai Witz!

...nach e paar wytere Bier



isch me widder yygstyge in dr...



und in nord-öschtlische Richtig gfaare!

Spöter sinn mer glügglig aber mied dehai aakoo!

Hesch verroote, wo mer aane gange sinn?
Wenn "nai" : Rubble my frei(burg):



Wenn ds immer noo nyt waisch, denn kasch de verdanggenwärte Organisatore, em Hansjörg Ott oder em Urs von Arx, aalüte.

Die wärde sicher e Freud an dyr haa!

Balgge

Fasnachtssitzig vom 10. Novämber 2017

Wie s Tradizion isch, het d Fasnachtssitzig mit emen Apéro im Käller am Noodlebärg aagfange, bevor alli Aawäsende uff die halber Ahti Blatz gno hänn. Punggt 19.30 het e Pfyffergrubbe denn mit eme suuberen Arabi der eigentligi Aaloos offiziell ereffnet. Der Felix het aaschliessend alli Aawäsende begriesst und denn s Wort im Sujetobmaa, Heinz Gottlieb, ibergää, wo s Sujet 2018 vorgschtellt het. S Sujet isch guet akoo und mr derfen ys sicher wider uff e tolli Fasnacht fraije.

Denn het der Felix iber die bevorstehende Aalöss bis zur Fasnacht informiert und in Verdrädig vom Blaggeddechef iber der Ablauf vom Blaggeddeverkauf orientiert.

Im Aaschluss an d Sitzig hets wider e feyns Ässe gää, won ys d Källerkommission zueberaitet het. Daas Joor isch es Kasseler mit Suurgrutt gsii.

Für Bewährtes und Innovatives in Blech und Rohr

Für die Industrie und den Bau

Blech- und Rohrbearbeitung, Laserbearbeitung.
Entwicklung und Bau von Prototypen,
Serienanfertigungen, Schnellservice.



Persönlich & Leistungsstark

LYN[®]TEC
EN ISO 9001: 2008
HAUTE COUTURE IN STAHL UND METALL



LYN-TEC AG
Zur Klostermühle
CH-8840 Einsiedeln
Tel. 055 418 40 20
www.lyn-tec.ch

Blaggeddeverkauf 2018

Wie jeedes Joor isch es Eresach, ass en Altgardischt syni Blaggedde au in dr Alte Garde bezieht.

Uussgoob: Samschtig, 6. Januar 2018, 10.00 – 12.30 im Altgardekäll. Bitte (vor allem Gold und Bijoux) vorschtele!

Nochhär 12. Januar – 9. Februar 2018, immer am Frytig, 19.30 – 20.00 im Altgardekäll (falls dort Iebig isch) oder nach perseenliger Verrybaarig (076 376 69 23).

(Nooch-)Bschtellige sinn au via Homepage möglic: <http://www.stainlemer-ag.ch/int%C3%A4rn/blaggeddebschtellig/>

Dr Blaggeddechef

Staine-Glanz und -Gloria

Am ZJTPF (Zentralschweizer **Jung**-Tambouren und Pfeiferfest) vom 23./24. Septämber 2017 sinn die beide junge Bursche in Länzburg zum «Veteran» erennt worde:

Dr Chronischt vo dr Alte Garde maint, die zwei hänn scho am



ZJTPF 2016 in Möhlin erfolgrych in dr Dambouregrubbe vo dr Alte Garde «hospitiert», die könnte doch jetzt au dr «Schritt an Noodlebärg» mache.

Allergattigs



Im historischen Museum in der Barfüsserkirche musste ich zu meinem Entsetzen folgendes feststellen: Im Keller dieser Kirche hängt öffentlich zugänglich eine gusseiserne Ofenplatte aus früheren Zeiten mit sexistischem Motiv (siehe Bild). Darauf wird ein Mann äusserst erniedrigend dargestellt und zum Sexobjekt degradiert. Diese Platte muss sofort entfernt werden - schon unseren Kinder zuliebe (das Bild kann hingegen einfach über Internet abgerufen werden).

Gesehen von einem anonymen Christ

PS. Das Bild hängt jetzt bei meiner Freundin über dem Bett...

Türportal im Altmarktkeller in Dresden


„Rundi“ Geburtsdääg vo Altgardische im 4. Quartal:

von Ah Urs 75 04.11.1942 Eeremitgliid

Mer wintchen em Urs ze sym runde Geburtsdaag alles Gueti, Xundheit, no vyyl scheeni Fasnachte und Zyt mit syne Glyggekamerädli.

Duume

Zum Schluss han y dasmoll e Bildli parat, wo mr dr Björn eigentlich scho für e letschte Stainlemer zuegschiggt het. Aber will ich sällmoll scho soviel Gaschtbydrääg kha ha (nit), het s leider kei Platz meh kha. Mir gratuliere im Brutpaar und wünschen alles Gueti für d Zuekunft!



Eure Redaggder

Redaggtionsschluss „dr Stainlemer“ 207:

20. Januar 2018

Marc Helfenstein | Äussere Baselstrasse 304 | 4125 Riehen
m.helfenstein@stainlemer.ch | 078 859 80 91

www.stainlemer.ch | www.jungi-stainlemer.ch | www.stainlemer-ag.ch